

nibus oblongis, substriatis, exiguis, marginibus valvularum utrinquè affixis.

Habitat in Libano et propè Damascum in monte *Dgebel Cher* dicto.

Explicatio Tabulæ 1^æ ;

Dec. 3^a.

1. Planta naturali proportione. 2. Flos. 3. Calyx. 4. Corolla fissa, expansa, paululum ut fig. 2^a et 3^a aucta. 5. Stamen auctius.
6. Capsulæ, singulæ squamâ ad basim munitæ, paululum auctæ.
7. Capsula separatim, auctior. 8. Semina, unico valdè aucto.
9. Folium seorsim.

PRENANTHES TRIQUETRA.

Syngenesia æqualis. *Semiflosculosi.*

Char. essent. Recept. nudum. Cal. calyculatus. Pappus simplex, subsessilis. Flosculi simplici serie!

P. Calycibus subquinquefloris; caule triquetro; foliis radicalibus dentatis.

Radix perennis, radiculis simplicibus.

Caules herbacei, sesquipedales, triquetri, ramis conformibus, erectis, simplicibus.

Folia avenia, radicalia ovato-oblonga, dentata, acuminata, caulina lineari-lanceolata, subfalcata.

Flores pauci, sessiles, lutei.

Calyx calyculatus, foliolis quinis.

Ligulæ profundè ad apicem quinquedentatæ, ut plurimum quinæ.
 Stamina quinque filamentis brevibus, antheris in tubum coalitis.
 Germen ovatum; stylus filiformis staminibus longior, stigmata
 duo recurva.

Semina fusiformia, striata, pappo sessili, piloso coronata.

Receptaculum nudum.

Habitat in Libano ad montium radices.

Explicatio Tabulæ 2^a;

Dec. 3^a.

1. Plantæ junioris portio. 2. Adultæ caulis summitas. 3. Calyx.
 4. *Idem* foliolis partim demptis, receptaculo conspicuo. 5. Semi-
 flosculus (omnia naturali proportione). 6. Semen coronatum
 pappo, paululum auctum.

STACHYS NIVEA.

Didynamia gymnospermia. *Calyces subquinquefidi.*

Char. essent. Cor. Labium superius fornicatum, labium inferius
 lateribus reflexum, laciniâ intermediâ majore, emarginatâ.
 Stamina deflorata versùs latera reflexa.

S. Tomentosa, foliis obovatis, verticillis paucifloris, floribus
 bibracteatis.

Caulis herbaceus, radice perenni, sesquipedalis ut tota planta to-
 mentosus, niveus, ramis erectis.



Tourpin del.

Prenanthes triquetra.

Bot. Vind.